

## ¡BOMBA!

Es muy triste realidad:  
persiste el feminicidio;  
hay pocos en el presidio...  
¿y cuánto de impunidad?



# K'uintsil

Edición de fin de semana, del viernes 25 al domingo 27 de noviembre de 2022

CAMPECHE · YUCATÁN · QUINTANA ROO · AÑO 8 · NÚMERO 1873 · [www.lajornadamaya.mx](http://www.lajornadamaya.mx)

## U T'U'ULIL FLORIDA

LETI'E' JACH SUUK U YANTALO'

Le t'u'ula', ich káastelan t'aane',  
k'ajóolta'an xan beey castellano  
wa serrano (*Sylvilagus floridanus*)

. Le jejeláasila' leti'e' jach suuk  
u yila'al tu petenil Yucatán,  
ts'ookole' k'a'anan tumen ku  
yáantaj ti'al u yantal u kéet kuxtal  
yóok'ol kaab.

Gonzalo Meréndiz Alonso,  
máax jo'olbesik u múuch'il  
Amigos de Sian Ka'an, tu ya'alaje',  
le ba'alche'a' kaja'an xan ichil  
u k'áaxilob Áreas Naturales  
Protegidas yaan te'e baantailo'.  
Tu tsikbaltaje', ma' ya'abach máax  
jach kaambanaja'an yóok'lal le  
t'u'ula'.

U t'u'ulil Floridae' juntúul  
ba'alche' lagomorfo, u ch'a'amaj  
u ch'i'ibal ichil Leporidae baatsil;  
leti'e' suuk u yila'al Norteamérica,  
ts'ookole' k'i'itpaja'an tak  
Venezuela, ichil u lu'umil  
Sudamérica. U boonile' ool  
koob-chak wa koob-samal boox,  
ts'ookole' u yooke' nuuktak, u  
xikine' chowak yéetel u neje'  
sak, kóom yéetel ts'u'uts'ukil. U  
jobnele' sak.

Leporidae ch'i'ibale' nojoch; ku  
méek'tantik kex 50 u jejeláasil le  
ba'alche'a', jatsa'an ichil 11 u p'éel  
jeeneróos.

Kéen nuukak u t'u'ulile' je'el  
u aaltal tak 1.2 kilos, yéetel je'el  
u p'isik tak 43 cms u chowakil;  
tu lu'umil Méxicoe' ila'an ti'  
péetlu'umo'ob je'el bix Baja  
California, Baja California Sur  
yéetel Guerrero. Ku jaantik xi'iw  
yéetel le'ob, le ba'ax ku yantale'.  
Je'el u kuxtal ichil 15 winalo'ob,  
ba'ale' wa kaláanta'ane' je'el u  
kuxtal maanal 10 ja'abo'ob.

GABRIEL GRANIEL  
OOCHEL ANDY WILSON

ESPECIAL: FAUNA NUESTRA | P. 45 TAK 47